

**“KREDITNI GAROV YOKI BOSHQA TA’MINOT TURLARI BILAN
TA’MINLANMAGAN QISMINI SUG’URTALASH” TO’G’RISIDAGI**

**FNC-HB-2-sonli
BOSH SHARTNOMA**

Andijon sh.

“30” sentabr 2024-y.

O‘zbekiston Respublikasi Moliya vazirligi huzuridagi Sug‘urta bozorini rivojlantirish agentligining 2022-yil “25” fevraldagi 00052-sonli Sug‘urta faoliyatini amalga oshirish huquqini beruvchi Litsenziyasi asosida o‘z faoliyatini amalga oshiradigan, keyingi o‘rinlarda **“SUG‘URTALOVCHI”** deb nomlanuvchi **«TEMIRYO‘L-SUG‘URTA» AJ** nomidan Ustav asosida ish yurituvchi Bosh direktori S.A.Umarov bir tomondan, keyingi o‘rinlarda **“SUG‘URTA QILDIRUVCHI”** deb nomlanuvchi, **“Hamkorbank” ATB** nomidan Ustav asosida ish yurituvchi Boshqaruv raisi B.T. Jo‘rayev ikkinchi tomondan birgalikda “Tomonlar”, alohida xollarda “Tomon” deb atalib, Kreditni garov yoki boshqa ta‘minot turlari bilan ta‘minlanmagan qismini to‘g‘risida Bosh shartnomani (*bundan buyon matnda - Bosh shartnoma deb yuritiladi*) tuzdilar:

1. Mazkur Bosh shartnomaning predmeti O‘zbekiston Respublikasi Fuqarolik kodeksining 354 (Shartnoma tuzish erkinligi) va 360 (Qo‘shilish shartnomasi) moddalariga asosan Qarz oluvchining mazkur Bosh shartnoma shartlariga qo‘shilishi hisoblanadi.

2. Sug‘urta qildiruvchi va/yoki Qarz oluvchining topshirig‘iga ko‘ra, Sug‘urtalovchi o‘z zimmasiga, mazkur Bosh shartnomanning ajralmas qismi hisoblanadigan 2024-yil “30” sentabrdagi “Kreditni garov yoki boshqa ta‘minot turlari bilan ta‘minlanmagan qismini sug‘urtalash” qoidalari (*bundan buyon matnda – “Sug‘urta qoidalari” deb yuritiladi*) shartlariga muvofiq, sug‘urta hodisasi sodir bo‘lishi oqibatida Naf oluvchiga yetkazilgan zararni qoplash majburiyatini oladi. Sug‘urta qoidalari doirasida rasmiylashtirilgan sug‘urta polislariga muvofiq Sug‘urta qildiruvchi Naf oluvchi hisoblanadi.

3. Sug‘urta mukofotini to‘lanishi, Qarz oluvchining Sug‘urta qoidalari va elektron sug‘urta polisida belgilangan shartlarda, tartibda va hajmda, Sug‘urta qoidalariga qo‘shilishiga so‘zsiz va to‘liq roziligini (akseptlaganini) bildiradi.

4. Har bir Qarz oluvchining mazkur Bosh shartnomaga va Sug‘urta qoidalariga qo‘shilishi, Sug‘urtalovchi tomondan har bir sug‘urta shartnomasi doirasida berilgan elektron sug‘urta polisi bilan tasdiqlanadi.

5. Tomonlar Sug‘urtalovchining Internet jahon axborot tarmog‘idagi rasmiy veb-saytidan, shuningdek mobil ilovalardan, elektron pochtdan va axborot almashishning boshqa usullaridan foydalanilgan holda elektron sug‘urta polislarini rasmiylashtirishga haqli.

6. Tomonlar, Sug‘urta qoidalariga muvofiq elektron sug‘urta polisining bajarilishi bilan bog‘liq bo‘lgan huquq va majburiyatlarga ega. Sug‘urta qoidalarida bo‘lgan shartlar, shu


imzo

“KELISHILGAN”

“Hamkorbank” ATB

Boshqaruv raisi

B.T.Jo'rayev



(imzo va muhr o'rni)


2024-yil

“TASDIQLAYMAN”

“TEMIRYO'L-SUG'URTA” AJ

Bosh direktori

S.A.Umarov



(imzo va muhr o'rni)

“30” 09 2024-yil

Kreditni garov yoki boshqa ta'minot turlari bilan to'liq yoki ta'minlanmagan qismini sug'urtalash Qoidolari

1-BO'LIM. UMUMIY SHARTLAR

1.1. Mazkur “Kreditni garov yoki boshqa ta'minot turlari bilan ta'minlanmagan qismini sug'urtalash” qoidolari (keyinchalik matnda – Sug'urta qoidolari deb yuritiladi) «TEMIRYO'L-SUG'URTA» AJ (keyinchalik matnda – Sug'urtalovchi deb yuritiladi) tomonidan O'zbekiston Respublikasi qonunchiligiga asosan ishlab chiqilgan bo'lib, “Hamkorbank” ATB (keyinchalik matnda – NAF OLUVCHI deb ataluvchi) mijozlariga Umumiy sug'urta sohasining “Kreditni garov yoki boshqa ta'minot turlari bilan ta'minlanmagan qismini sug'urtalash” qoidolari doirasida sug'urta xizmatlarini ko'rsatish tartib va shartlarini belgilaydi.

1.2. Ushbu Sug'urta qoidalarida nazarda tutilgan shartlarga va/yoki qo'shimcha kelishilgan ushbu Sug'urta qoidalarining ajralmas qismi bo'lgan shartlar, istisnalar va ilovalarga muvofiq Sug'urtalovchi sug'urta hodisasi yuz berganida Sug'urta qildiruvchiga sug'urta tovonini to'lash orqali yetkazilgan zarar o'rnini quyida ko'rsatilgan tartibda va hajmda qoplash majburiyatini oladi, shu shart bilan-ki, bunda Sug'urta qildiruvchi ushbu Sug'urta qoidalarda ko'rsatilgan miqdorda, tartibda va muddatda sug'urta mukofotini to'lash majburiyatini oladi.

1.3. Mazkur sug'urta qoidalariga asosan aniq bir maqsad uchun Qarz oluvchiga (jismoniy/yuridik/o'z o'zini band qilgan shaxsga yoki tadbirkorlik subyektiga) berilgan qarzning (kreditning) qaytarilishini ta'minlash bilan bog'liq bo'lgan Sug'urta qildiruvchining mulkiy manfaatlari sug'urta obyekti hisoblanadi.

Bunda mazkur mulkiy manfaatlarga ushbu Sug'urta qoidalarida sanab o'tilgan tavakkalchiliklardan bevosita yuz bergan sug'urta hodisasi yuzaga kelganida zarar yetkazilishi mumkin.

1.4. Sug'urta qildiruvchi / Qarz oluvchi Sug'urtalovchiga taqdim etgan hujjatlar va ma'lumotlar (garov va kredit, qarz shartnomalari nusxalari, Sug'urta qildiruvchining / Qarz oluvchining hujjatlari) ushbu Sug'urta qoidalariga asosan berilgan ya'ni mazkur qoidalarining 1-ilovasidagi tegishli Elektron sug'urta polisining ajralmas qismi ekanligini, shuningdek ular ko'rsatilgan hujjatlar va ma'lumotlar ishonchli hamda haqiqatga to'g'ri keluvchi ma'lumotlarga ega ekanligini tasdiqlaydilar.

2-BO'LIM. ATAMALAR

Mazkur Sug'urta qoidalarida qo'llanilgan atamalar quyidagi ma'noga ega:

2.1. **Qarz oluvchi** – Sug'urta qildiruvchi bilan shartnomaviy munosabatlarga kirgan, kredit shartnomasiga asosan Sug'urta qildiruvchidan kredit olgan hamda kreditdan Kredit shartnomasi shartlariga muvofiq foydalanadigan shaxs.

2.2. **Kredit (qarz) shartnomasi** – ushbu Sug'urta qoidalariga asosan rasmiylashtirilgan Elektron sug'urta polisida ko'rsatilgan fuqarolik-huquqiy shartnomasi bo'lib, unga ko'ra Sug'urta qildiruvchi Qarz oluvchiga Kredit shartnomasida nazarda tutilgan miqdorda va shartlarda pul mablag'larini (kredit) taqdim etish majburiyatini oladi, Qarz oluvchi esa olingan pul mablag'larini o'z vaqtida qaytarish va u bo'yicha foizlarni to'lash majburiyatini oladi.

2.3. **Sug'urta polisi/elektron sug'urta polisi** – Sug'urtalovchining sug'urta tovonini to'lash bo'yicha majburiyatlari kuchga kirganligini tasdiqlovchi, Sug'urta qildiruvchiga sug'urta mukofoti to'langandan keyin beriladigan hujjat. (Mazkur sug'urta qoidalariga 1-Ilova)

2.4. **Sug'urta puli** – Elektron sug'urta polislari doirasida Sug'urtalovchi o'z zimmasiga oladigan majburiyat chegarasi. Mazkur sug'urta qoidasiga binoan sug'urta summasi, kredit shartnomasi bo'yicha mijozga ajratilgan kredit miqdorining 125% teng summa.

2.5. **Sug'urta hodisasi** – Haqiqatda vujudga kelgan va uning vujudga kelishi bilan Sug'urtalovchining Sug'urta qildiruvchiga sug'urta tovonini to'lash majburiyati kuchga kirishiga olib keladigan voqea.

2.6. **Qarz oluvchining bankrotligi** – Sug'urtalash davri, kutish davrida Qarz oluvchining majburiyatlari bo'yicha Sug'urta qildiruvchi va boshqa kreditorlarning talablarini to'liq hajmda qondirish imkoniyatining bo'lmavchiligi va (yoki) majburiy to'lovlar bo'yicha majburiyatlarini bajara olmasligi sud organi tomonidan tan olinishi.

2.7. **Sug'urta tovon** – sug'urta qoidasida nazarda tutilgan sug'urta hodisasi yuz bergan Sug'urta qildiruvchiga sug'urta puli doirasida to'lanadigan pul mablag'lari summasi.

2.8. **Sug'urta mukofoti (sug'urta badali)** – sug'urta qildiruvchi tomonidan Sug'urtalovchiga sug'urta qoidasi (Elektron sug'urta polisi)da shart qilib ko'rsatilgan tartibda va muddatlarda milliy valyutada to'lanadigan sug'urta uchun to'lov.

2.9. **Sug'urta qildiruvchi zarari** - Qarz oluvchi sug'urta hodisasi vujudga kelganda sug'urta qildiruvchi oldida o'z majburiyatlarini bajarmaganligi oqibatida Sug'urta qildiruvchi olmagan pul mablag'lari miqdori hisoblanadi:

2.10. **Sug'urtalash davri** - Elektron sug'urta polisi bo'yicha olingan majburiyatlar amal qiladigan vaqt

2.11. **Sug'urta hodisasi haqida dalolatnoma** – Sug'urtalovchi vujudga kelgan voqeani sug'urta hodisasi deb tan olgan taqdirda u tomonidan tuziladigan, Sug'urtalovchi va Sug'urta qildiruvchi imzolaydigan, sug'urta tovonini to'lash uchun asos sifatida xizmat qiladigan hujjat.

2.12. **Kutish davri** – Mazkur sug'urta qoidalar bilan nazarda tutilgan sug'urta hodisa natijasida vujudga kelgan zararni Sug'urtalovchi qoplashidan avvalgi to'lov sanasidan boshlab hisoblab o'tishi kerak bo'lgan, ketma-ket kalendar kunlari soni.

2.13. **Sug'urta qildiruvchining Qarz oluvchiga da'vosi** – Sug'urta qildiruvchi Qarz oluvchiga jo'natadigan yozma talablar, hamda keltirilgan zarar miqdori va sabablari isbotlangan, O'zbekiston Respublikasining amaldagi fuqarolik qonunchiligi me'yorlariga asosan tuzilgan sudga da'vo arizalari.

2.14. **Da'vo arizasi** – Sug'urta voqeasi oqibatida vujudga kelgan zararlarga ta'sir ko'rsatgan sabab va vaziyatlar ko'rsatilgan Sug'urtalovchiga Sug'urta qildiruvchining yozma murojaati. Da'vo arizasi, mazkur sug'urta qoidalarida nazarda tutilgan sug'urta hodisasini tasdiqlovchi barcha zarur hujjatlarni o'ziga olganidan so'ng to'liq qabul qilingan hisoblanadi.

3-BO'LIM. SUG'URTA HODISASI

3.1. Sug'urtalovchi ushbu Sug'urta qoidalariga muvofiq, Sug'urta qildiruvchiga Kredit mablag'laridan foydalanib, kredit shartnomasida belgilangan miqdorda va muddatda asosiy kredit qarzdorligini va unga hisoblangan foizlarni (kreditni o'z vaqtida qaytarmaganligi natijasida vujudga kelgan penyalarni hisobga olmagan holda) 3.2. bandida ko'rsatilgan holatlarga ko'ra to'lay olmagan Sug'urta himoyasini taqdim etadi.

3.2. Kredit shartnomasiga asosan asosiy kredit qarzdorligini va unga hisoblangan foizlarni to'lay olmaslik quyidagi holatlarda sug'urta hodisasi (penya, jarimalardan tashqari) hisoblanadi:

a) Sud tomonidan qarzdorning faoliyati xususiyatidan kelib chiqib, qarzdorni bankrot deb topish to'g'risidagi qaroriga asosan;

b) Qarzdor to'lov qobiliyatini yo'qotishi;

v) Qarz oluvchining jismoniy shaxsni/YATT faoliyati bilan shug'ullanuvchi tadbirkorni yoki jamiyat raxbarini yoxud jamiyat ta'sischisini vafot etishi, yoki vaziyatidan qat'iylashtirib to'lovga/mehnatga qobilyatsiz bo'lib qolishi natijasida kredit to'lovlari muammoga aylanishi (qarzdorning vafoti yoki to'lovga/mehnatga qobilyatini yo'qotganligi sababli belgilangan tartibda to'lovga qobilyatli yaqin qarindoshlari yoki ularning ta'sischiligidagi, rahbarligidagi jamiyatlari yoxud yaqin qarindoshlari orasidagi YATT faoliyati bilan shug'ullanuvchilar tomonidan kredit qarzini o'z zimmasiga olgan va barcha tegishli xujjatlarni belgilangan tartibda rasmiylashtirilgan hollari bunda mustasno)

g) Kredit shartnomasiga ko'ra kredit bo'yicha 60 kun va undan ortiq muddati o'tgan qarzdorlik

Kreditni garov yoki boshqa ta'minot turlari bilan ta'minlanmagan qismini sug'urtalash qoidalari

bo'lsa;

d) Qarz oluvchining kreditni so'ndirish majburiyatlarini bajarish uchun mol-mulki yetarli bo'lmasa;

3.3. Hodisa Sug'urta hodisasi deb tan olinishi uchun Sug'urtalovchiga mazkur qoidalarining 3-bo'limida nazarada tutilgan holatlar vujudga kelganligini tasdiqlovchi hujjatlar Sug'urta qildiruvchi / Qarz oluvchi tomonidan taqdim qilinishi shart.

3.4 Sug'urtalovchi majburiyatlarni, Sug'urta qildiruvchi kredit shartnomasini va mazkur sug'urta qoidalarining o'zining harakatlari va majburiyatlari qismidagi barcha shartlarni to'liq bajargan taqdirda o'zi zimmasiga oladi.

3.5. Sug'urta qildiruvchi zarariga quyidagilar kiritilmaydi va Sug'urtalovchi tomonidan to'lanmaydi: Jarima, penya va kredit bo'yicha boshqa moliyaviy jarimalar, o'zgalarning pul mablag'laridan foydalanganlik uchun foizlar, bank komissiyalari va boshqa to'lovlar.

4-BO'LIM. SUG'URTA MUKOFOTINI TO'LASH VA ELEKTRON SUG'URTA POLISINI BERISH TARTIBI

4.1. Sug'urta mukofoti summasi Kredit shartnomaning ta'minot miqdori summasidan yillik 2-lovada belgilangan tariflar miqdorida hisoblanadi.

4.2. Sug'urta mukofoti Sug'urta qildiruvchi tomonidan u dastlabki ma'lumotlarini (kredit shartnomasi tuzish uchun taqdim etiladigan hujjatlar) Sug'urtalovchiga taqdim etgan kundan e'tiboran 3 (uch) kun ichida bir yo'la va to'liq hajmda to'lanishi lozim.

4.3. Sug'urtalovchining Elektron sug'urta polisi doirasida sug'urta tovonini to'lash majburiyati, Sug'urta qildiruvchi/Qarz oluvchi tomonidan sug'urta mukofoti o'z vaqtida to'langan taqdirda, Elektron sug'urta polisida ko'rsatilgan muddatlarda amal qiladi.

4.4. Sug'urta mukofoti to'liq to'lanmagan taqdirda Sug'urtalovchining javobgarligi haqiqatda o'langan Sug'urta mukofoti miqdoriga mutanosib ravishda belgilanadi.

4.5. Sug'urta mukofoti yoki uning birinchi badali to'langan kun deb, pul mablag'lari Sug'urtalovchi hisob raqamiga tushgan kun hisoblanadi.

4.6. Elektron sug'urta polisi amaldagi sug'urta faoliyati qonunchiligi talablari doirasida rasmiylashtiriladi hamda sug'urta mukofoti/uning birinchi/navbatdagi badali Sug'urtalovchining bank hisob raqamiga kelib tushgandan keyin zudlik bilan onlayn rejimda Sug'urta qildiruvchiga taqdim tiladi.

4.7. Sug'urta qoidalariga muvofiq barcha hisob-kitoblar so'mda amalga oshiriladi.

4.8. Ushbu Sug'urta qoidalariga ko'ra Sug'urta shartnomasi Sug'urta polisini Sug'urta qildiruvchi/Qarz oluvchiga taqdim etish orqali tuziladi. Sug'urta polisi mazkur Qoidalarining 1-ilovasida belgilangan namunaviy shaklda Sug'urta mukofoti to'langandan so'ng rasmiylashtiriladi.

5-BO'LIM. TARAFLARNING HUQUQ VA MAJBURIYATLARI

5.1. Sug'urta qildiruvchi / Qarz oluvchi huquqlari:

a) Sug'urta qoidalari amal qilishining butun muddati davomida Sug'urtalovchidan sug'urtalash masalalari bo'yicha maslahat olish.

b) Sug'urtalovchi bilan kelishgan holda sug'urta qoidalari shartlariga qo'shimcha belgilashlarni tuzish va kredit shartnomalari doirasida taqdim etilgan sug'urta polislariga qo'shimcha Sug'urta mukofotini to'lash yo'li bilan o'zgartirishlar va / yoki qo'shimchalar kiritish;

c) Kreditning garov bilan ta'minlanmagan yoki boshqa ta'minot bilan ta'minlanmagan qismi mazkur qoidalar amal qilish davrida muddatidan avval to'lansa, Sug'urtalovchiga Elektron sug'urta polisini muddatidan avval bekor qilish haqida murojaat qilish;

d) Mazkur Sug'urta qoidalari doirasida Sug'urtalovchi maslahatlarini olish.

e) Mazkur Sug'urta qoidalari 4.6-bandida ko'rsatilgan muddatda Elektron sug'urta polisini bekor qilish;

f) Sug'urtalovchi bilan yozma kelishuv asosida Elektron sug'urta polisini muddatidan avval bekor qilish;

g) Sug'urta hodisasi sodir bo'lgan taqdirda, sug'urtalovchidan belgilangan tartibda sug'urta mukofotini talab qilib olish;

h) Sug'urtalovchi tomonidan taqdim etilgan qaror bilan rozi bo'lmagan taqdirda qonunchilik bilan belgilangan tartibda Sug'urtalovchining sug'urta to'lovini to'lanishi va uning miqdori yoki sug'urta to'lovini to'lashni rad etish to'g'risidagi qarori ustidan O'zbekiston Respublikas qonunchiligi bilan belgilangan tartibda shikoyat keltirish.

5.2. Sug'urta qildiruvchi / Qarz oluvchi majburiyatlari:

a) Mazkur sug'urta qoidalarining 4-bo'limida ko'rsatilgan miqdor va tartibda sug'urta mukofotini Sug'urtalovchining hisob raqamiga o'tkazish;

b) Kredit shartnomasining ehtimolli o'zgarishlari, shu jumladan kredit majburiyatid shaxslar almashishi haqida Sug'urtalovchini xabardor qilish;

c) Elektron sug'urta polisi taqdim etilayotganda Sug'urtalovchiga ma'lum qilinga vaziyatlarda bo'lgan jiddiy o'zgarishlar haqida unga ular ma'lum bo'lishi bilan Sug'urtalovchir xabardor qilish, jumladan:

- Kredit shartnomasi bo'yicha mablag' ajratilayotgan shartnomalar shartlari o'zgarishi;

- Qarz oluvchi korxonaning kelajakda qayta tuzilishi yoki tugatilishi;

d) Sug'urtalovchi ma'lumotnomasi bo'yicha sug'urta hodisasi vujudga kelgan fakti va uning vaziyatlarini aniqlash uchun zarur barcha ma'lumot va axborotlarni taqdim etish;

e) Sug'urtalovchi talab etishi mumkin bo'lgan, zarar sabablari va miqdori bilan bog'liq ha qanday boshqa isbot-dalillarni keltirish;

f) Sug'urta qildiruvchi Zararni to'lash bo'yicha talabni Sug'urtalovchiga kreditni qaytaris ta'minotini boshqa shakllari bo'yicha huquqlarini amalga oshirganidan so'ng beradi

g) Mazkur sug'urta qoidalar doirasida Sug'urtalovchining sug'urta to'lovini to'las majburiyati vujudga kelishiga olib keladigan sug'urta hodisasi vujudga kelsa, darhol Sug'urtalovchig mazkur sug'urta qoidalarining 6-Bo'limida nazarda tutilgan muddat va usulda xabar berish;

h) Sug'urtalovchiga barcha hujjat va isbot-dalillarni berish va Sug'urtalovchi ung subrogatsiya tartibida o'tgan huquqini amalga oshirishi uchun zarur bo'lgan barcha ma'lumotlarn taqdim etish;

i) Yuridik manzili va / yoki bank rekvizitlari o'zgartirilgan taqdirda, bu haqid Sug'urtalovchiga 5 (besh) ish kunidan kechiktirmasdan yozma xabar berish;

j) Mazkur sug'urta qoidalar amal qilish davrida Sug'urtalovchidan olinga ma'lumotlarning maxfiyligini saqlash, Sug'urta qildiruvchi / Qarz oluvchi O'zbekisto Respublikasining amaldagi qonunchiligiga muvofiq davlat organlari va boshqa tashkilotlarga ma'lum berishi shart bo'lgan vaziyatlar bundan mustasno;

k) Sug'urtalovchi Sug'urta qildiruvchiga sug'urta to'lovini to'lagan hajmda Qarz oluvchig talab qo'yish uchun zarur barcha huquqlarni Sug'urtalovchiga sug'urta to'lovini to'lanishidan o'n ku avval topshirishi kerak.

5.3. Sug'urtalovchi huquqlari:

a) Sug'urta qildiruvchi, Qarz oluvchi taqdim etgan ma'lumotlarni hamda ular kred shartnomasi va mazkur sug'urta qoidalar shartlarini bajarishini tekshirish;

b) Sug'urta qildiruvchi bilan kelishgan holda mazkur qoidalar shartlariga o'zgartirish v qo'shimchalar kiritish.

c) Sug'urta qildiruvchidan mazkur qoidalar amal qilishi davrida Qarz oluvchining moliyavi holati va kredit shartnomasi bajarilishi haqida ma'lumot so'rab olish;

d) Sug'urta qildiruvchi bilan birgalikda monitoringda ishtirok etish, hujjatlar asosida v joyiga chiqib Qarz oluvchining xo'jalik faoliyatining haqiqiy ahvolini o'rganish, mazkur sug'urta qoidalarining amal qilishining butun davrida kredit shartnomasi hisobiga mablag' bilan ta'minlanadiga bitimlar haqida ma'lumot talab qilish;

e) Sug'urta xatari oshishiga olib keladigan vaziyatlar paydo bo'lsa, mazkur sug'urta qoidalar o'zgartirishni yoki xatar darajasi oshishiga mutanosib ravishda qo'shimcha sug'urta mukofotini to'lashni talab qilish (Mazkur sug'urta qoidalarida ko'rsatilgan sug'urta hodisalarida tashqari boshqa sug'urta hodisalar alohida shartnoma asosida tartibga solinadi hamda sug'urta mukof to'lanadi);

f) Sug'urta qildiruvchi mazkur sug'urta qoidalar shartlariga asosan o'z majburiyatlarin bajarmasa yoki lozim darajada bajarmasi, Elektron sug'urta polisini muddatidan avval bekor qilish talab etish;

g) Qarz oluvchi, Sug'urta qildiruvchi va vakolatli organlardan sug'urta hodisasi faktini va to'lanishi lozim bo'lgan sug'urta tovonni miqdorini aniqlash uchun zarur ma'lumotlarni so'rash, hamda sug'urta hodisasi vujudga kelishi vaziyatlarini mustaqil aniqlash, qo'yilgan talab asoslanganligini va sug'urta hodisasi mavjudligini (yo'qligini) aniqlash uchun ekspertizalar o'tkazish;

h) Ishlarni olib borish yoki zararlarni tartibga solish uchun syurveyer, ekspert, avariya komissarlari, advokat va boshqa shaxslarni yollash yoki tayinlash. Sug'urta qildiruvchi, Qarz oluvchi bilan birgalikda tergov, sug'urta hodisasi vujudga kelishi fakti va sug'urta tovonni miqdorining ekspert tekshiruvlarini olib borish;

i) Quyidagi vaziyatlarda Sug'urtalovchi sug'urta tovonni (sug'urta miqdorini) to'lashni kechiktirishi mumkin:

- Agar Sug'urta qildiruvchi / Qarz oluvchi tashabbusi bilan zarar keltirishi sabablarining va vaziyatlarining qo'shimcha ekspertizasi o'tkazilsa. Bunda sug'urta tovonini to'lash muddati ekspertiza o'tkazilayotgan davrga uzaytiriladi;

j) Sug'urta hodisasi to'g'risida dalolatnoma tuzilganidan va imzolanganidan so'ng, sug'urta tovonni to'lanishidan avval, Sug'urta qildiruvchidan Qarz oluvchiga nisbatan Sug'urta qildiruvchining talab huquqini, uning talabi qondirilgan hajmda topshirishni talab qilish;

k) Mazkur Sug'urta qoidalari ko'rsatilgan manzilga pochta orqali Sug'urta qildiruvchi / Qarz oluvchiga sug'urta tovonini to'lashni rad etish javobini yozma jo'natish.

5.4. Sug'urtalovchi majburiyatlari:

a) Sug'urta qildiruvchi, Qarz oluvchiga sug'urtalash masalalari bo'yicha tushuntirish va maslahatlar berish;

b) Mazkur Sug'urta qoidalari shartlari bilan Sug'urta qildiruvchi, Qarz oluvchini bevosita shartnoma (polis)ni rasmiylashtirishdan avval tanishtirib chiqish, va mazkur fakti ofertani imzolash yo'li bilan qayd etish;

c) Mazkur Sug'urta qoidalarining 4.6-bandida belgilangan muddatlarda Elektron sug'urta polisini berish;

d) Barcha zarur hujjatlar olinganidan so'ng, tegishli ekspertizani o'tkazish va sug'urta hodisasi vujudga kelgani fakti aniqlansa, sug'urta hodisasi to'g'risida dalolatnomani 15 (o'n besh) ish kuni ichida tuzish va imzolash, va sug'urta tovonini mazkur Sug'urta qoidalari bilan nazarda tutilgan muddat va miqdorda to'lab berish;

e) Sug'urta hodisasi vujudga kelgan taqdirda, Sug'urta qildiruvchiga sug'urta tovonini to'lab berish sug'urta puli doirasida Qarz oluvchi to'lamagan kredit qismini mazkur sug'urta qoidalarining 6-Bo'limida ko'rsatilgan miqdor va muddatlarda qoplab berish;

f) Sug'urta qildiruvchi yoki Qarz oluvchi sug'urta tovonini to'lash uchun barcha zarur hujjatlarni taqdim etganidan so'ng, Sug'urta qildiruvchiga sug'urta tovonini to'lashni rad etish haqida 15 (o'n besh) kun ichida yozma xabardor qilish, unda rad javobi berilishi sabablari asoslangan bo'lishi kerak.

g) Yuridik manzili va telefon raqamlarida barcha o'zgarishlar haqida Sug'urta qildiruvchiga yozma xabarnoma jo'natish.

h) Mazkur sug'urta qoidalari amal qilish davrida Sug'urta qildiruvchi / Qarz oluvchidan olingan ma'lumotlarning maxfiyligini saqlash, Sug'urtalovchi O'zbekiston Respublikasining amaldagi qonunchiligiga muvofiq davlat organlari va boshqa tashkilotlarga ma'lumot berishi shart bo'lgan vaziyatlar bundan mustasno.

6-BO'LIM. SUG'URTA TOVONINI ANIQLASH VA TO'LASH TARTIBI

6.1. Sug'urta tovonni Sug'urta qildiruvchiga garov bilan ta'minlanmagan yoki boshqa ta'minot turlari bilan ta'minlanmagan kreditning Qarz oluvchi to'lamagan qismi miqdorida, ammo har qanday vaziyatda sug'urta polisida ko'rsatilgan sug'urta pulidan ortmagan miqdorda to'lanadi.

6.2. Sug'urta tovonni miqdorini aniqlanishi: Sug'urta tovonining miqdori Sug'urta qildiruvchining ayni bir Qarz oluvchining krediti bo'yicha mavjud qarzдорligi hamda Elektron sug'urta polisi majburiyatlariga asosan aniqlanadi. Sug'urta tovonining miqdori Kredit shartnomasi tugatilgan paytda qaytarilmagan qismidan garovga olingan mulkning realizasiya qilingan qiymati yoki boshqa ta'minotning ayirmasi bilan aniqlanadi.

Sug'urta qildiruvchi sug'urta hodisasi sodir bo'lganda birinchi navbatda Qarz oluvchi tomonidan garovga qo'ygan mulkini yoki boshqa ta'minotni undirish uchun murojaat etadi.

6.3. Mazkur Sug'urta qoidalarining 3.1-bandida ko'rsatilgan vaziyatlar vujudga kelsa, Sug'urta qildiruvchiga ma'lum bo'lganidang so'ng 30 kun ichida Sug'urtalovchiga sug'urta qoidalarida nazariy tutilgan sug'urta hodisasi belgilariga ega sug'urta voqeasi vujudga kelgani haqida da'vo arizasi topshiradi, va da'vo arizasi topshirilganidan so'ng 10 (o'n) bank ish kunidan kechiktirmasdan Sug'urtalovchiga zarar keltirilgani faktini va uning miqdorini aniqlash imkoniyatini beruvchi barcha hujjatlarni topshirishi shart (Sug'urta qildiruvchi va Qarz oluvchi o'rtasida kreditni so'ndirish hisobi bo'yicha amalga oshirilgan to'lovlar miqdori haqida ma'lumotnoma, kredit shartnomasi amal qilish davrida qilingan mablag'lari harakati haqida bank ko'chirmasi, Qarz oluvchining bankrotligini tasdiqlovchi hujjatlar, pasport, o'lim guvohnomasi, kredit shartnomasi to'lov grafigi bilan, garov shartnomasi, sud qarori mavjud bo'lganda Kafillik shartnomasi hamda Kafil shaxsning pasport nusxasi.).

Bunda Qarz oluvchi Sug'urtalovchiga talab etgan hujjatlarni o'z vaqtida taqdim etish uchun Sug'urta qildiruvchiga hamkorlik qilishi shart.

6.4. Sug'urtalovchi yuqorida keltirilgan hujjatlar ro'yxatini qisqartirishga haqli, hamda Sug'urta qildiruvchidan, agar aniq vaziyatlarni inobatga olgan holda, ular yo'qligi sug'urta hodisasi vujudga kelgani faktini va zarar miqdorini aniqlash imkoniyati bo'lmasa, qo'shimcha hujjatlarni talab etishga haqli.

6.5. Sug'urta qildiruvchi taqdim etgan hujjatlar asosida kutish davri yakunlangandan so'ng Sug'urtalovchi sug'urta hodisasi vujudga kelgani faktini tan olsa, Sug'urtalovchi 15 (o'n besh) bank ish kuni ichida sug'urta hodisasi to'g'risida Dalolatnomani tuzadi, unda barcha olingan ma'lumotlar ko'rsatiladi va to'lanishi lozim bo'lgan sug'urta to'lov miqdori aniqlanadi. Sug'urta hodisasi to'g'risida Dalolatnoma Sug'urtalovchi, Sug'urta qildiruvchi tomonidan imzolalanadi.

6.6. Sug'urta qildiruvchiga sug'urta to'lov miqdori sug'urta hodisasi to'g'risida Dalolatnoma imzolanganidan so'ng 10 (o'n) bank ish kuni ichida to'lanadi. Sug'urta to'lov miqdori to'langan kun deb, qilingan mablag'lari Sug'urta qildiruvchiga hisob raqamidan yechilgan kun hisoblanadi.

6.7. Sug'urtalovchi sug'urta to'lov miqdori to'lashni rad etish qarorini qabul qilgan bo'lsa Sug'urtalovchiga ariza berilgan va barcha zarur hujjatlar taqdim etilgan sanadan boshlab 15 (o'n besh) kun ichida Sug'urta qildiruvchiga rad javobining sabablari asoslangan yozma xabarnoma jo'natiladi.

6.8. Sug'urtalovchi quyidagi vaziyatlarda sug'urta to'lov miqdori to'lashga rad javobini berishi mumkin:

a) Agar Sug'urta qildiruvchi Sug'urtalovchiga Elektron sug'urta polisini uchun asos bo'lgan hujjatlarni taqdim etganda, sug'urta xatari haqida qaror qabul qilish uchun ahamiyatli vaziyatlar haqida haqiqiy bo'lmagan ma'lumotlarni bergan bo'lsa;

b) Agar sug'urta hodisasi Sug'urta qildiruvchi / Qarz oluvchining qasddan qilgan harakatlaridan va/yoki harakatsizligi oqibatida vujudga kelgan bo'lsa;

c) Agar Sug'urta qildiruvchi yoki Qarz oluvchi sug'urta hodisasi vaziyatlari va sabablarini hamda zarar miqdorini aniqlashda ishtirokiga to'sqinlik qilsa;

d) Sug'urta qildiruvchi aybi bilan Sug'urtalovchida subrogatsiya tartibida talab qo'yish imkoniyati bo'lmasa;

e) Sug'urta qildiruvchi kredit mablag'laridan foydalanganlik haqida hujjatlar taqdim etmasa to'lov topshiriqnomalari, bajarilgan ishlar dalolatnomalari, schet-faktura, mol olinganligi haqida yozma xatlar va hokazo;

f) Sug'urta qildiruvchi qoida buzishlari, agarda ular Sug'urta qildiruvchining litsenziyasi va boshqa ruhsat etuvchi hujjatlari chaqirib olinishiga olib kelgan bo'lsa, va natijada Qarz oluvchi Kredit shartnomasi bo'yicha majburiyatlarini bajara olmay qolgan bo'lsa;

g) Sug'urta qildiruvchi tomonidan Qarz oluvchi kredit mablag'larini ishlatishi bo'yicha o'rnatilgan ichki tartiblariga asosan dastlabki monitoring amalga oshirilmagan bo'lsa;

h) Sug'urta qildiruvchiga keltirilgan zarar uchun aybdor shaxs tomonidan zarar to'lovi qoplangan bo'lsa;

i) Sug'urta qildiruvchi /Qarz oluvchi mazkur Sug'urta qoidalari shartlarini bajarmasa yoki yetarli darajada bajarmasa;

j) Agar Sug'urta qildiruvchi unga zarar keltirgan Qarz oluvchiga nisbatan da'vo huquqida qat'iylashtirilgan, yoki unga nisbatan talablar amalga oshirilishini ta'minlovchi huquqlardan voz kechs

7-BO' LIM. KREDITNI GAROV YOKI BOSHQA TA'MINOT TURLARI BILAN TA'MINLANMAGAN QISMINI SUG'URTALASH QOIDALARI

hamda Sug'urtalovchiga uning subrogatsiya huquqini amalga oshirish uchun zarur bo'lgan hujjatlarni topshirishga rad javobini bersa.

7-BO' LIM. SUG'URTA MUDDATLARI

7.1. Mazkur Sug'urta qoidalarini taraflar imzolagan kundan kuchga kiradi, ushbu qoidalarining ilovasi sifatida rasmiylashtiriladigan polislarning amal qilish muddatlari polisning o'zida belgilab barcha o'tiladi.

7.2. Taraflarning har biri boshqa tarafning ohirgi manziliga ushbu sug'urta qoidalarini asosida tuzilgan sug'urta polisini ehtimoliy bekor qilish sanasidan 15 (o'n besh) kun avval yozma ravishda hujjatlangan ogohlantirish jo'natadi. Mazkur sug'urta qoidalarini asosida tuzilgan bekor qilinishida taraflarning yozma qaror roziligi talab etiladi.

7.3. Elektron sug'urta polisi, agar u kuchga kirganidan keyin sug'urta hodisasi yuz berishi ehtimoli yo'qolgan va sug'urta xavfining mavjud bo'lishi sug'urta hodisasidan boshqa holatlar bo'yicha tugagan bo'lsa, rasmiylashtirilgan sug'urta polisi muddatidan avval bekor bo'ladi. Bunda, to'langan sug'urta mukofoti Sug'urta qildiruvchiga qaytarib berilmaydi.

7.4. Sug'urta qildiruvchi/Naf oluvchi ushbu Sug'urta qoidalarini shartlarini Sug'urtalovchi buzgani sababli muddatidan ilgari bekor qilishni so'raganda, Sug'urtalovchi sug'urta mukofotining bir qismini sug'urta amal qilgan vaqtga mutanosib ravishda olish huquqiga ega.

7.5. Sug'urta qildiruvchining o'z majburiyatlarini buzishdan kelib chiqqan holda Sug'urtalovchi ushbu Sug'urta qoidalarini muddatidan ilgari bekor qilishni talab qilganida, to'langan sug'urta mukofoti qaytarilmaydi.

7.6. Quyidagi holatda, xususan, kredit mablag'larini Qarz oluvchi muddatidan oldin qaytargan bo'lsa, kredit shartnomasi bo'yicha kredit garov yoki boshqa ta'minot turlari bilan to'liq ta'minlangan bo'lsa, Elektron sug'urta polisi Sug'urta qildiruvchi talabi bo'yicha muddatidan avval bekor qilinishi mumkin.

Sug'urta qildiruvchining talabiga ko'ra mazkur holatda Sug'urta qoidalarini asosida berilgan Elektron sug'urta polisi muddatidan oldin bekor qilinganda, to'langan sug'urta mukofoti sug'urta qildiruvchiga qaytarib berilmaydi.

7.7. Sug'urta qoidalariga asosan taqdim etilgan sug'urta polislari quyidagi vaziyatlarda tugatiladi:

- a) taraflarining kelishuviga asosan;
- b) sug'urtalash davri tugaganda;
- c) sug'urtalovchi o'z majburiyatlarini Sug'urta qildiruvchi oldida to'liq hajmda bajarganda;
- d) sug'urta mukofoti belgilangan muddatda to'lanmasa, yoki sug'urta mukofotining navbatdagi qismi Elektron sug'urta polisi bilan belgilangan muddat va tartibda to'lanmasa;
- e) Sug'urta hodisasi vujudga kelishidan avval Sug'urta qildiruvchi tugatilsa;
- f) O'zbekiston Respublikasining amaldagi qonunchiligi bilan nazarda tutilgan boshqa vaziyatlarda.

7.8. Sug'urta xatari sug'urta hodisasidan boshqa sabablarga ko'ra bekor bo'lsa, Elektron sug'urta polisi bekor bo'ladi, xususan, agar kredit qaytarilmasligi xatari sug'urta qilinganda, mazkur sug'urta qoidalariga asosan taqdim etilgan Elektron sug'urta polisi bilan sug'urtalangan kredit qismi bo'yicha debitor qarzdorlik to'langan bo'lsa.

8-BO' LIM. TARAFLAR JAVOBGARLIGI

8.1. O'z majburiyatlarini bajarmaslik yoki yetarli darajada bajarmaslik uchun, taraflar O'zbekiston Respublikasining amaldagi qonunchiligi bilan nazarda tutilgan javobgarlikka tortiladi.

8.2. Sug'urta mukofoti yoki navbatdagi sug'urta badal o'z vaqtida to'lanmagan taqdirda, Sug'urtalovchi har bir kechiktirilgan kun uchun Sug'urta qildiruvchidan to'lanmagan sug'urta mukofotining 0.5% miqdorida penya talab qilishga haqli, ammo uning umumiy miqdori kechiktirilgan to'lov miqdorining 50% dan ortiq bo'lishi mumkin emas.

8.3. To'lanishi lozim bo'lgan sug'urta to'lovni to'lanishi muddati kechiktirilgan taqdirda, Sug'urtalovchi Sug'urta qildiruvchiga har bir kechiktirilgan kun uchun to'lovning 0.5% miqdorida penya to'laydi, ammo uning umumiy miqdori zarar miqdorining 50% dan ortiq bo'lishi mumkin emas.

8.4. Penya yoki jarima to'lanishi taraflarni mazkur sug'urta qoidalri bo'yicha majburiyatlarini bajarishdan ozod etmaydi.

9-BO'LIM. FORS – MAJOR

9.1. Taraflar fors-major holatlar amal qilishi davrida ushbu Sug'urta qoidalari bo'yicha o'z majburiyatlarini qisman yoki to'liq bajarmaganliklari uchun javobgar bo'lmaydi.

9.2. Fors-major holatlar yuzaga kelgan taqdirda, taraflar tomonidan majburiyatlarni bajarilishi muddati fors-major holatlar amal qiladigan vaqtga mutanosib ravishda keyinga qoldiriladi. Bunda Taraflar belgilangan tartibda ushbu Sug'urta qoidalari bo'yicha majburiyatlarning bajarilgan va bajarilmagan qismlar bo'yicha yakuniy hisob-kitobni amalga oshiradi.

10-BO'LIM. SUBROGATSIYA

10.1. Sug'urta tovonini to'lagan Sug'urtalovchiga to'langan sug'urta tovonni miqdorida Sug'urta qildiruvchining sug'urtalash natijasida qoplangan zarar uchun javobgar Qarz oluvchiga nisbatan talab qilish huquqi o'tadi. Sug'urta qildiruvchi Sug'urtalovchiga barcha hujjat va isbot-dalillarni topshiradi va Sug'urtalovchi unga o'tgan talab qilish huquqini amalga oshirishi uchun zarur bo'lgan barcha ma'lumotlarni beradi.

10.2. Agar Sug'urta qildiruvchi zarar keltirishi uchun javobgar shaxs – Qarz oluvchiga nisbatan talab etish huquqidan voz kechsa, yoki ushbu talab etish huquqini Sug'urta qildiruvchi aybi bilan amalga oshirish imkoniyati bo'lmasa, Sug'urtalovchi sug'urta tovonini to'lash majburiyatidan to'liq yoki tegishli qismida ozod etiladi va Sug'urta qildiruvchidan ortiqcha to'langan sug'urta tovonni miqdorini qaytarib berishni talab qilishga haqli.

11-BO'LIM. NIZOLARNI HAL QILISH TARTIBI.

11.1. Mazkur Sug'urta qoidali bilan nazarda tutilgan masalalar bo'yicha yoki ular bilan bog'liq holda nizo, talab yoki tushunmovchilik vujudga kelsa, taraflar ularni muzokaralar olib borish yo'li bilan hal etishga choralar ko'rishadi.

11.2. Mazkur Sug'urta qoidali bilan nazarda tutilgan masalalar bo'yicha yoki ular bilan bog'liq holda, shu jumladan uni ijro etish, buzish, tugatish yoki bekor qilish haqida vujudga kelgan nizo, talab yoki tushunmovchiliklarni muzokaralar yo'li bilan hal etish imkoniyati bo'lmasa, nizolar O'zbekiston Respublikasi qonunchiligida belgilangan tartibda hal etiladi.

12-BO'LIM. BOSHQA SHARTLAR

12.1. Sug'urtalashga Ariza-anketa, unga Sug'urta qildiruvchi ilova qilgan hujjatlar, barcha ilova va qo'shimchalar bilan Kredit shartnomasi, mazkur Sug'urta qoidalariga barcha o'zgartirishlar va qo'shimchalar ushbu Sug'urta qoidalariga ajralmas va tarkibiy qismi hisoblanadi.

12.2. Kredit shartnomasiga zaruriyat bo'yicha o'zgartirish yoki qo'shimchalar kiritilsa, tegishli o'zgartirish va qo'shimchalar Elektron sug'urta polisiga ham kiritiladi.

12.3. Qoida taraflari, hamda ularning vakillari va xodimlari mazkur Qoidalarga tegishli firma yoki maxfiy ma'lumotlarni, boshqa taraflarning dastlab yozma roziligisiz oshkor etishmaydi.

12.4. Mazkur sug'urta Qoidalari bilan tartibga keltirilmagan barcha masalalar bo'yicha Taraflar amaldagi qonunchilikka rioya qilishadi.

12.5. Mazkur sug'urta qoidalari bir xil yuridik kuchga ega 2 (ikki) nusxada tuzilgan va imzolangan, Sug'urta qildiruvchi va Sug'urtalovchida bitta nusxadan saqlanadi.

12.6. Mazkur Sug'urta qoidalari taraflar xohishiga ko'ra o'zbek tilida tuzilgan.

SUG'URTALOVCHINING YURIDIK MANZILI VA REKVIZITLARI:

“TEMIRYO'L-SUG'URTA” AJ

Elektron pochta manzili: insurance@tys.uz

Manzil: Toshkent sh., Yunusobod tumani, Oloy bozori berk ko'chasi, 64 uy, BM "Orient"

X/R: 20214000904188772001

Bank: "Ipak yuli" Banki Mirzo-Ulugbek filiali

MFO: 00421

INN: 203 996 028, OKED: 65120